

Kwaku Ananse Sisifoɔ

Bere bi Kwaku Ananse ne ne yere Ɔkɔnnorɔ Yaa ne wɔn mma Ntikuma, Afudotwedotwe, Nankɔnhweaa, ne Tikenenkenen yee wɔn adwen se wɔbetu afiri wɔn fie akɔtena baabi foforɔ. Wɔkɔbɔɔ wɔn sese kwaeem akyirikyiri baabi. Afei wɔkaa wɔn ho bɔɔ mu yee afuo kesee bi a so mmaa da. Ananse huu se twabere aduru no, ɔyee n'adwen se ɔbefa kwan bi so adi nnɔbae no nyinaa a n'abusuafoɔ no mu biara rentumi nkyere asee. Ɔpatu yaree yaree bi a na eboro nnipa nyinaa nteasee so.

Da koro anwummerɛ bi Kwaku Ananse frɛe ne yere ka kyereɛ no se: "Yaa, seesei deɛ metumi hu se me nna a aka asase yi so nnɔso koraa. Adeɛ baako a meresɛ ne se, se mewu a, monsie me wɔ yen afuo no mu. M'adaka no nso, momfa waduro, wɔmma, nkyensee, ne deɛ ekeka ho nhye no ma. Afei nso, obiara nntu ne nan nnsi afuom ho kɔsi se m'adaduanan beso. Yei ne m'abisadeɛ. Monni so perepere sedee ebeye a me saman rensan mma mmɛha mo adwen." Asem yi anye Ɔkɔnnorɔ Yaa de, nanso ɔbuaa ne kunu se: "Yoo, Agya Ananse, yebedi deɛ woaka no so perepere." Eno akyi no, ɔfirii dan no mu pueee.

Ɔkɔnnorɔ Yaa san kɔɔ dan no mu no, na Kwaku Ananse aka nkyene agu. Ɔde nisuo baa abɔnten bebɔɔ ne mma no amanee. Wɔde amu no too adaka mu, de nneema a ɔbobɔɔ din no nyinaa hyee no ma, kɔpee baabi wɔ wɔn afuom ho siee no. Wɔankɔ afuom ho bio kɔsi adaduanan akyi.

Wɔduruu afuom ho no, wɔhuu se obi awia wɔn mfudeɛ no mu beye fa adi. Eho ara na wɔyee nhyiamu hwehwɛe kwan a wɔbefa so akye ɔkorɔmfɔɔ no. Ntikuma nyaa adwen bi se wɔbeye abaduaba bi de aman afa ho nyinaa asi afuo no mfinimfini de akye ɔkorɔmfɔɔ no. Wɔde abaduaba no sii ho no, wɔsan kɔɔ fie.

Anadwo no, sedee na ɔye no daa no, Ananse sore firii n'adaka no mu kɔɔ afuo no

mu se ɔrekɔfa aduane no bi abedi. Ɔhunuu abaduaba no na ɔdwen se ɔkorɔmfɔɔ bi na waba afuo no mu, enti ɔkasaa abofuo so kyerɛɛ no. Wannya mmuaɛɛ biara no, ne bo fuu kɛse maa ɔteneɛ ne nsa bɔɔ abaduaba no asom. Ɔde n'ahɔɔden nyinaa twee ne nsa, nanso wantumi antwe. Ɔde ne nan, ne ti, ne n'afuru bobɔɔ abaduaba no maa ne honamdua no nyinaa tareɛ abaduaba no ho.

Ntikuma ne ne nuanom behuu se abaduaba no akye wɔn papa no, wɔn ho dwirii wɔn yie. Aniwuo dwaree Kwaku Ananse firi ne ti so kɔsii ne nan ase. Woteɛ no firii abaduaba no ho kyerɛɛ no se ɔnni wɔn akyi nkɔ fie. Wɔduruu fie no, na aniwuo no so ma Ananse, enti ɔforo kɔɔ soro de n'anim kɔsieɛ padeɛ mu. Yei nti na da biara wobɛhu Ananse na waka padeɛ mu no.